



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1849

LII. Bischof Heinrich von Brandenburg verordnet, daß der Nachlaß der Capelläne bei der heil. Geist-Capelle zu Brietzen dieser Capelle verbleiben soll, am 25. Mai 1390.

[urn:nbn:de:hbz:466:1-54022](https://nbn-resolving.org/urn:nbn:de:hbz:466:1-54022)

LII. Bischof Heinrich von Brandenburg verordnet, daß der Nachlaß der Capelläne bei der heil. Geist-Capelle zu Brietzen dieser Capelle verbleiben soll, am 25. Mai 1390.

Heinricus, Dei et apostolice sedis gratia Episcopus Brand. ad univerforum tam presentium quam futurorum notitiam volumus devenire, quod ex justa et pia supplicatione Johann Zlencige et Jacobi Richter proconsulum et consulum et nomine consulatus et totius communitalis oppidi Bryzen nostre dyocesios providorum atque discreti Jacobi ebelz rectoris perpetui Capelle sancti spiritus in dicto opido Brizen et justis eorum desideriis annuentes auctoritate nostra ordinaria tenore presentium disponimus atque ordinamus atque irrevocabiliter statuimus perpetuis temporibus duraturum, quod omnia et singula bona presentia et futura et undecunque prefato Jacobo rectori et cuilibet ejus successori dicte Capelle canonice instituto atque ipsi capelle sive per industriam dicti Jacobi seu cujuslibet ejus successoris seu largitione fidelium ex successione seu institutione hereditaria et aliter obveniencia post decessum vel cessum ipsorum rectorum apud ipsam Capellam et eorundem decedencium vel cedencium successores sine diminutione aliqua debent remanere, usufructu tamen et dispositione eorundem bonorum apud prefatum Jacobum Rectorem et quemlibet ejus successorem plene remanente. In quorum omnium et singulorum testimonium presentes litteras nostri secreti munimine duximus roborandas. Datum Seyesere anno Domini M. CCC. nonagesimo, feria tertia post festum Penthecostes gloriosum.

LIII. Markgraf Jobst genehmigt die Errichtung der mitten in der Stadt Brietzen gelegenen Capelle des heiligen Blutes, am 7. Mai 1392.

Jodocus, Dei Gratia Marchio et dominus Moravie — quia fideles nostri subditi, Jurati et Communitas civitatis in Brizen Capellam in medio civitatis ibidem in honore sacrosancti sanguinis Christi et sancte Catharine virginis intendunt erigere et Capellanum, qui perpetuis temporibus missam in eadem capella juxta ipsorum dispositionem celebrare debeat instaurare ac eidem Capellano de annuo censu perpetuo tres sexagenas grossorum Pragensium providere, supplicantes nobis instanter, ut hujus modi eorum propositum salubre admittere et nostrum consensum ad hoc dare deberemus. Nos igitur qui justas et rationabiles petitiones nostrorum fidelium tenemur exaudire, animo deliberato ac de certa nostra scientia propter bonum statum predictae civitatis in Brizen et communitalis ibidem admittimus et consensimus, ut predicti cives in Brizen predictam Capellam in medio civitatis ibidem in honore sacratissimi sanguinis Christi et sancte Catharine Virginis et Martiris valeant erigere, in eadem Capella Capellanum perpetuum habere ac pro eodem Capellano tres sexagenas grossorum annui et perpetui census in bonis hereditariis aut aliis quibuscunque bonis, absque detrimento feudi etiam comparare, liberum dantes predictis civibus in Brizen, ut ad dictam Capellam sic erectam et dotatam pro hac vice eo amplius in perpetuum, quoties eandem Capellam vacare contigerit, possint et debeant aliquem sacerdotem pro ipsorum voluntate presentare, per Reverendum in Christo patrem Dominum Episcopum Brandenburgensem, qui pro tempore fuerit aut ipsius vicarium in spiritualibus generalem confirmandum, sic quod predicti cives in Brizen habeant plenam potestatem cum dicta Capella disponendi eo modo ut refertur et pro ut ipsis et communitati ibidem videbitur expedire. Presentium sub